

PILOTA

Lejardi: «Txapelketan biok ari garela ere kontuan izan behar zuen Zezeagak»

Berrizko aurrelariak «Adarragan erabateko ezintasuna» sentitu zuela dio

Joxemari Zezeagak Logroñon egindako itsuskeria izan da pilotazale guztien solasa asteburu honetan. Uberako atzelariak, enpresariekin kontratuaren gaineko konponezina duela eta, gogorik gabe jokatu zuen Titin eta Arretxeren aurka. Kaltea, batez ere, Adarragako ikusleentzat eta Manu Lejardi bikotearentzat izan zen.

XABIN MAKAZAGA / DONOSTIA

Titin eta Arretxeren aurkako partidua amaitu bezain pronto, «Zezeagak gogorik gabe jokatu du», esan zuen Manu Lejardik Adarragako aldageletan. Atzo, Eskuz Binakako Txapelketako azken partiduan «erabateko inpotentzia» sentitu zuela onartu zuen aurrelari berriztarrek. «Partidua hasi orduko ikusi nuen zer eginik ez genuela. Joxemari Zezeagak bere arrazoiak izango zituen egin zuena egiteko, baina kontuan hartu behar zuen txapelketan biok ari garela. Ez nago berarekin minduta, ezta haserre ere, baina Adarragan une txarrak igaro nituen. Eta ezin ezer egin, gainera, partidua Zezeagak galdu baitzuen».

Partiduaren aurretik Zezeagak hiru astetan ez zuela entrenatu bazekien Lejardik, «baina bere neurriko pilotari batek, horren-



Zezeagak Logroñon erakutsitako ganora ezak ez dio grazia handirik egin Lejardi.

EDURNE KOCH

besteko klasea duen atzelariak, nahi izanez gero bazuen ondo jokatzeko aukera. Nik, benetan, erabateko ezintasuna sentitu nuen, baina banekien ardura guztia Zezeagarena zena.

Txapelketan dagoeneko zer egin handirik ez dute Lejardi eta Zezeagak, jokaturako hiru partidua galduta agur esan baitiote finalerdiei, kasik. Orain arte egindako lanarekin, ordea, nahiko gustura ageri da berriztarra. «Zarautzen, txapelketako estreinuan, Unanuek izugarri jokatu zuen eta nik ez nuen gauza han-

dirik egin. Urduri ere banengoen, txapelketako lehen partidua nuelako. Gero, ordea, Retegiren kontra egindako partiduekin pozik geratu nintzen. Galdu egin genuen Bergaran, baina ondo jokatu genuela uste dut, biok». Adarragako, aldiz, ahazteko modukoa izan zen. Lejardik ñabardura bat egin nahi izan du, hala ere: «Gure sei tantoetatik bost nik lortu nituen, eta Titinek, Arretxerekin partidua irabazi arren, hiruzpalau baino ez zituen egin».

Aurrera begira, orain arteko

itxura hobetzea da Lejardiren erronka txapelketan. «Egia esan, ez dakit Zezeagak jarraituko ote duen. Baina finalerdietarako bidea oso zaila dugu, eta bigarren itzulian geure partidua egitera irtengo gara. Dagoeneko ez daukagu urduri jartzeko arrazoirik, ez baitugu ezer galtzekorik. Eta Retegi-Beloki, Unanue-Errasti eta Titin-Arretxe bikote handiak diren arren, geure kontra partidua zailak izango dituztela uste dut. Gure asmoa, ahalik eta ondoen jokatzeko izango da. Eta orain arte baino hobeto ibil gaitezke».

JAIALDIK

Gaurko partidua

GALARRETA. 16.00. Egialde-Amondarain / Zubeldia II - Adin. Matxin - Iriarte II / Arregi - Zubeldia. Aseginolaza II - Etxabe / Kalonje - Auzmendi. Iñigo - Zestau II / Odriozola - Urretabizkaia II.

DEPORTIVO. 16.30. Lekue - Garma II / Egibar - Valera. Txapelketa: Arribillaga - Nuñez / Gaztañaga - Agirre. Ziskar II - Arzelus / Urkia - Goitia. Landea - Astola / Garma I - Peluaga.

Osteguneko partidua

GALARRETA. 16.00. Urrutia II - Soto / J. Lekunberri - Adin. Txapelketa: Elizalde II - Etxeberria / Ezkurra - A. Lekunberri. Lezea - Txikuri / Noain - Saldias. Salaberria - Imaz / Kalonje - Aranburu.

EUSKAL. 16.00. Egialde - Mendizabal / Zubeldia II - Amondarain. Txapelketa: M. Lekunberri - Agerre / Altuna - Eizagirre. Aseginolaza II - P. Lekunberri / Urretabizkaia I - Etxabe.

JUAN KARLOS INTXAUSPE Pilotari ohia

IRITZIA

Artistak sortzeko erreminta txarrak

Pilotá edo erremonteari buruz zerbait idazteko es- katu didate, eta nondik hasi ere ez dakit, ez bainaz idazlea. Erreflexio txiki bat egingo dut, ordea.

Beti ari gara esaten lehengo pilotariak oraingoak baino hobekak zirela, edo alderantziz, oraingoak direla hobekak. Eztabaidak baina, nere ustez, pilota edo materialari buruz izan beharko luke.

Batetik, erremonteko saskiak luzeagoak dira orain. Zergatik? Ba, oraingo pilota errendituko baldin bada, horrelakoak behar dutelako izan; lehengo saskiekin alde egingo bailuke pilotak. Pilotak biziagoak direnez, eta gauza arraro gehiago egiten dutenez, pilotariak lurrera bota behar izaten du bere burua, pilota harapatzearen. Lehengoek, berriz, inoiz ez —edo oso gutxitan— botatzen zuten lurrera beren burua.

Bestetik, nabarmendu beharra dago, antzina pilotariak 50 urterekin ere erremontean jokatzen jarraitzen zutela; orain, berriz, jende askok utzi egin behar izaten du 35 urte bete baino lehen.

Garbi asko da lurra pertsona baino gogorragoa dela. Eta nere esku bategi, denentzat pilota aproposa bilatzen saiatuko nintzateke, tenisean eta beste kirol askotan egiten den bezala. Orduan ikusiko genuke egiazko pilota, eta bide batez, pilotari handiagoak. Orduan partidua ez lirateke sakez joango, eta asperren beldur handirik ere ez litzateke izango, tantoa egiteko dituen ahaletan guztiak azaldu beharko litzateke. Oraingo erremonte jokalariei imajinazioa falta zaio. Pilota zenbat eta azkarrago ibili, orduan eta hobeto. Baina ez dira bi horretara botatzen saiatzen, ezta

hanketara ere; bote azkarrean ez dira inoiz sartzen, eta horretan, eragin handia pilotak dauka, lehengo pilotek horrelako jokaldiak egiteko aukera handiagoa ematen baitzuten.

Aurreko asteburuan esku husakako bi partidua ikusi nituen, bata profesionalena eta bestea afizionatuena. Eta frontoira sarri joan ohi dena bat etorriko da nirekin, afizionatuena askoz politagoa izan zela esaten badut. Eta dirua, apustua, ez da aitzakia, ez. Guztia pilotak ekartzen dituen gora-beherak dira.

Pilota egokiarekin gauza politak ikusteko aukera gehiago daukagu, aurreko jokoa ederragoa baita, atzera eta atzera jotzen ikustea baino. Oraingo pilotariari atzera jotzen erakusten zaio eskolan, eta pilotan erakutsi behar zaio. Jendea zer gus-tatzen zaion, hura eman behar zaio, pilotak bizi nahi badu.

Nere esku bategi, denentzat pilota aproposa bilatzen saiatuko nintzateke, tenisean eta beste kirolak egiten den bezala.

KANKKUNEN lider Ingaterako RAC rallyan

Juha Kankkunen gidari finlandiarra Ingaterako RAC rallyko lidergoan agertzen da, bigarren etapako lehen hiru zati bereziak jokatu ostean. Toyota etxeko liderrak Mundiala jadanik eskuratu du, baina bere karrerako 20. proba irabazteko helburu, orain arte inork lortu ez duena. Colin McRae da bigarrena 47 segundura, eta Didier Auriol hirugarrena, 1.10era.

CRUIFFek isuna jarri die jokalariei guztiei

Johan Cruyff, Barcelona futbol taldeko entrenatzaileak, isuna ezarri die plantilako jokalariei guztiei «errendimendu baxuagatik». Holandarraren hitzetan, erabakia «ez dut Lleidaren aurkako partidua egiteko bakarrik hartu, beste gauza gehiago ere tartean daude». Bihar Galatasaray talde turkiarraren aurka jokatu duen partiduari begira, «cassettea» aldatzeko eskatu die jokalariei, «larunbatean zeramaten ez baizitzaidan batere gustatu».

PAR KOREA eta Txina saskibaloia Mundialerako sailkatu dira

Txina eta Ipar Korea lortu dituzte 1994ean Toronton (Kanada) jokatu den Munduko Saskibaloia Txapelketarako azken bi txartelak, Asiako txapelketan Txinak irabazi zuen torneoaren finalean Ipar Korea 93-72 gaitu eta gero. Txinatarrek A multzoan jokatu dute Espainia, Estatu Batuak eta Brasilekin batera. Ipar Korea berriz, B multzoan ariko da Kroazia, Australia eta Kubarekin batera.

GOLFA: Faldo lider eta Olazabal 14. PGA zerrendan

Nick Faldo ingelesak munduko golf jokalarien zerrendako lidergoan segitzen du, sendo, 21.00 punturekin. Greg Norman da bigarrena 19.44rekin eta Bernhard Langer alemaniarra hirugarrena, 17.12rekin. Txema Olazabal hondarribiarra sailkapeneko 14. tokian dago, 9.04 punturekin.